

Kreis
Steinfurt

S 184

1265 (1264) Januar 27 Steinfurt.

[57]

Ludolf, Edler von Steinfurt, schenkt den Brüdern des Hospitalhauses in Steinfurt das Erbe Wennemar im Kspl. Dohtrup, Weiner Bschft.

Universis Christi fidelibus presens scriptum inspecturis salutem in eo, qui est salus omnium. Notum esse volumus tam presentibus quam futuris, quod ego Ludolphus, nobilis homo de Stenwordia, in inspiratione divina salutem anime mee sane providere cupiens sarcinam peccaminum meorum elemosinis pro modulo meo redimendo, memorans illud, quod omnes stabimus ante tribunal Christi unusquisque vicem pro suo recepturus merito, domum igitur quandam in Wene dictam Wennemarine, cuius proprietatem me contingebat, cum omni fructu et appendiciis ad eandem domum spectantibus beato Johanni et viris religiosiis fratribus sancte domus hospitalis Jerosolo[mitani] in Stenwordia ob remedium anime mee et omnium parentum meorum vivorum ac defunctorum cum consensu filiorum meorum Ludolphi (!), Balduini, Johannis et Ottonis et uxoris mee Lise et filiarum et omnium heredum meorum, iure proprietatis sine omni inpeticione libere condonavi quiete perpetua possidendam. Ut autem hoc factum tam rationabiliter ordinatum firmum maneat et in perpetuo inconvulsum, presentem paginam sigilli nostri munimine roboravimus. Testes vero huius rei sunt comes Otto de Benthem, Ludolfus de Brochterbeke, Henricus de Wllen, Gerhardus de Wllen, Godefridus dapifer, Winandus Dancevot, Reynerus de Havekesbeke, Johannes de Boco, Johannes de Bekehem, milites; Ecke de Metelen, Rizhardus et Reinerus de Leeden famuli et alii quam plures. Datum anno Domini M^occ^oLx^oiiii^o, pridie ante octavam Agnetis in Stenwor[di]a.

Orig. Siegel. VIII. Rep. II. 1. b. 25. Nr. 16. Nachschrift des 14. Jahrhunderts: Wennemaringh in Wene in parochia Ochtorpe; desgl. des 17. Jahrhunderts: Donatio praedii Wennemar. Kopier im Kopiar B fol. 78 und A fol. 26; nach letzterem gedruckt Darpe, S. 13.

184